

Delegatkinja Nermina Kapetanović postavila je pitanja Ministarstvu za ljudska prava i izbjeglice BiH i Ministarstvu vanjskih poslova BiH.

Prvo pitanje, upućeno Ministarstvu za ljudska prava i izbjeglice BiH, glasi:

„Kada će Ministarstvo za ljudska prava i izbjeglice BiH podnijeti Parlamentarnoj skupštini BiH godišnji izvještaj o pojavama diskriminacije u BiH i u vezi s tim predložiti konkretne zakonodavne ili druge mjere?“

Drugo pitanje, upućeno Ministarstvu vanjskih poslova BiH, glasi:

„Ministarstvo vanjskih poslova BiH je u nekoliko navrata u medijima isticalo svoje uspjehe i napretke u rješavanju tzv. otvorenih pitanja između Bosne i Hercegovine i Hrvatske. Napominjem da se u cijelu priču između Bosne i Hercegovine i Republike Hrvatske uplela i treća strana - Evropska unija, koja insistira da se ti problemi rješavaju s pravnim nasljedstvom EU. U tzv. hitnom paketu razgovora Brisel – Zagreb – Sarajevo našle su se oblasti koje se odnose na sporazume o graničnim prijelazima i pograničnom saobraćaju, tranzitu robe preko luke Ploče i kroz teritoriju Bosne i Hercegovine u Neumu, rješavanje problema teritorijalnog diskontinuiteta Republike Hrvatske, posebno pitanje razgraničenja dvije države na moru, potom rješavanje imovinsko-pravnih sporova, potpisivanje imovinsko-pravnog sporazuma između Bosne i Hercegovine i Republike Hrvatske, te rješavanje problema građana Bosne i Hercegovine koji su radili u Republici Hrvatskoj, u periodu od 1991. do 1995. otpušteni s posla i ostali bez imovine.

Molim Ministarstvo vanjskih poslova BiH da detaljno informira Parlamentarnu skupštinu BiH 'o napretku i pregovorima i riješenim pitanjima između Republike Hrvatske i Bosne i Hercegovine', a koja su spomenuta u prethodnom pitanju.“